

PRAVILA ZA IMENOVANJE KANDIDATA I PROVOĐENJE KAMPANJE SEIU LOKALA 1

- Nijedan prijedlog za imenovanje kandidata na bilo koju poziciju neće biti prihvaćen ako nije podnešen na vrijeme i na važećoj peticiji za imenovanje kandidata.
- Izborni odbor je sastavio odobreni obrazac peticije za imenovanje kandidata koji će članovima biti dostupan od četvrtka, 27. aprila, 2023. Ove obrasce možete dobiti na slijedeći način:
 - Po dogovoru 27. aprila, 2023. ili nakon toga, iz kancelarije sekretara-blagajnika na adresi kancelarije Lokala 1, 111 E. Wacker Dr., Suite 1700, Chicago, Illinois, eliase@seiu1.org ili po dogovoru na ili nakon 27. aprila, 2023. iz bilo koje kancelarije Lokala 1 van države Illinois; ili
 - Putem pošte preko noći (o trošku Lokala 1) direktno iz naše pošte, kontaktiranjem Boba Walshu u Sommers & Fahrenbach na (773) 478-3033, u utorak, 27. aprila 2023. ili kasnije.
- Članovi se snažno potiču da koriste ovaj obrazac za imenovanje kandidata. Ukoliko se koristi drugi obrazac, da bi bio prihvaćen i važeći na osnovu ovih pravila, mora da sadrži sve navedene informacije:
 - Slijedeća izjava mora biti odštampana na barem jednoj strani svake stranice peticije: “Dolepotpisani punopravni članovi Lokala 1 ovim putem predlažu slijedeće punopravne članove Lokala 1 za kandidate na poziciju/e rukovodioca/laca za rok od septembra 2023. do septembra 2026. godine.”
 - Ime člana/ova koji se imenuju i pozicija/e za koje se predlažu. Ovo mora biti odštampano na barem jednoj strani svake stranice peticije.
 - Svaki red sa potpisom mora da sadrži slijedeće: (1) Odštampano ime i prezime člana; (2) potpis člana; i (3) posljednje četiri cifre članovog broja socijalnog osiguranja.
 - Ako peticija sadrži imena više kandidata, na barem jednoj strani svake stranice peticije mora da se navede (1) da li kandidati namjeravaju da se kandiduju kao lista ili pojedinačno; i (2) ako kandidati namjeravaju da se kandiduju u listi, naziv te kandidatske liste.
- Dva ili više kandidata mogu se kandidovati u listi. Ako kandidati namjeravaju da se kandiduju u listi, moraju jasno da navedu svoje namjere i naznače izabrani naziv za tu listu, na svakom obrascu peticije.
- Jedino punopravni članovi imaju pravo da se kandiduju na pozicije rukovodilaca ili na potpisivanje peticije kojom imenuju kandidata/e po svom izboru.
- Kandidati se mogu pojaviti na glasačkom listiću samo jedanput. To znači da kandidati nemaju pravo da se kandiduju na više od jedne pozicije, da se nalaze u više od jedne liste i da se kandiduju pojedinačno i u listi istovremeno. Ako je jedan kandidat uspješno imenovan na više od jedne pozicije ili na više listi, Izborni odbor će kandidata o tome obavijestiti i on će se morati odreći svih kandidatura osim jedne za poziciju/listu prije 20. juna 2023. godine.
- Od četvrtka, 27. aprila 2023, članovi mogu da zatraže kopiju liste sa navedenim radnim mjestima članova Lokala 1 (ne sadržava spisak članova) od kancelarije sekretara-blagajnika na adresi

kancelarije Lokala 1, 111 E. Wacker Dr., Suite 1700, Chicago, Illinois, elektronski od eliase@seiu1.org, ili od bilo koje kancelarije Lokala 1 van države Illinois.

- Savezni zakon zabranjuje pojedincima osuđenim za određene prijestupe da postanu rukovodioci u uniji. Članovi koji su osuđeni za krivična djela navedena u članu 504 Zakona o izvještavanju o upravljanju poslovima i otkrivanju (29 USC § 504) nemaju pravo da se kandiduju na pozicije.
- Prijedloge za imenovanje kandidata na pozicije predsjednika, sekretara-blagajnika, izvršnog potpredsjednika, predsjednika, zapisničara-sekretara i slobodnih članova Izvršnog Odbora mora da podrži peticija koju je potpisalo najmanje dva posto (2%) punopravnih članova unije. *Broj potpisa potreban da bi se zadovoljio minimum je postavljen na najmanje 697 potpisa, što je prosječan broj članova za koje je SEIU primio uplaćen porez po glavi člana tokom dvanaest (12) mjeseci za period od 1. januara do 31. decembra, 2022.*
- Prijedloge za imenovanje kandidata na pozicije Izvršnog Odbora za određeni grad mora da podrži peticija koju je potpisalo najmanje dva posto (2%) punopravnih članova unije iz datog grada **ili** pedeset (50) punopravnih članova unije u tom gradu, kojegod je veće. Ako trenutno članstvo u određenom gradu ima manje od 75 članova, članovi Lokala 1 koji traže nominaciju u te kancelarije specifične za grad moraju pribaviti potpis 25 članova ili 2% članstva iz tog određenog grada, u zavisnosti od toga šta je više.

Broj važećih potpisa potreban da bi se zadovoljio minimum za svaki grad je najmanje:

Akron :	50
Chicago:	548
Cincinnati:	50
Cleveland:	50
Columbus:	50
Detroit:	50
Indianapolis:	25
Kansas City:	50
Milwaukee:	50
St. Louis:	56
Toledo:	50

- Peticije u ime svakog kandidata moraju se predati sekretaru-blagajniku u kancelariji Lokala 1, na adresi 111 E. Wacker Dr., Suite 1700, Chicago, Illinois 60601. Peticije koje se ručno predaju moraju biti primljene do 17:00 sati, u petak, 9. juna 2023. Sve peticije koje se šalju putem američke pošte treba poslati putem ovjerene pošte, sa zahtjevom za povraćaj, i datumom poštanskog pečata koji ne smije biti kasniji od 9. jula 2023.
- Prije 20. juna 2023. ili na taj datum, Izborni odbor će objaviti na web stranici Lokala 1 spisak kandidata koji su podnijeli peticiju potpisanu od strane zahtijevanog broja članova kako bi se mogli kandidovati, pozicije za koje su se kandidovali i povezanost sa bilo kojom listom.
- Prigovori na valjanost ili dovoljnost peticije ili podesnost kandidata regulirani su članom X, stavom 2 Ustava i Statuta Lokala 1 i moraju se podnijeti do 30. juna 2023. Prigovori se upućuju Izbornom odboru Lokala 1 na adresu 111 E. Wacker Dr., Suite 1700, Chicago, IL 60601, ili se moraju ručno predati do 17:00 sati 30. juna 2023. ili poslati putem ovjerene pošte, sa zahtjevom za povraćaj, i datumom poštanskog pečata prije 30. juna 2023. ili na taj datum. Prigovori treba

da sadrže sve relevantne dokaze koji podržavaju prigovor.

- Savezni zakon predviđa da se prema kandidatima mora postupati jednako u pogledu mogućnosti da vode kampanju i da svi članovi mogu da podržavaju kandidata/e po svom izboru, a da pritom ne podliježu kazni, disciplinskoj mjeri ili represiji bilo koje vrste.
- Novac od članarine ne može se koristiti za promociju nijednog kandidata.
- Nijednom kandidatu ili potencijalnom kandidatu za bilo koju poziciju ili pristalici kandidata nije dozvoljeno da traži ili primi finansijsku podršku ili bilo kakvu drugu direktnu ili indirektnu podršku u bilo kom vidu od bilo kojeg lica koje nije član Lokala 1. Ovo takođe znači da osobe koje nisu članovi Lokala 1 ne mogu dobrovoljno da rade za kampanje kandidata, čak i u svoje slobodno vrijeme.
- Savezni zakon zabranjuje upotrebu bilo kakvih sredstava Unije ili fondova zaposlenih ili drugih resursa za promociju kandidature bilo koje osobe u izborima za poziciju rukovodstva u uniji. Ova zabrana se odnosi na gotovinu, objekte, opremu, vozila, kancelarijski materijal, itd. Lokala 1 i bilo koje druge unije i bilo kojeg poslodavca bez obzira da li zapošljavaju članove Lokala 1 ili ne.
 - Novine i slične publikacije koje izdaje unija ne mogu se koristiti za podršku određenom kandidatu ili spisku kandidata.
 - Štampanje, fotokopiranje i slični sadržaji i / ili oprema unije ne mogu se koristiti za štampanje literature kampanje za bilo kojeg kandidata, osim pod uslovima koji su ponuđeni podjednako svim kandidatima.
 - Sredstva sindikata, poslodavaca i lica koja nisu članovi ne mogu se koristiti za oglašavanje u novinama.
 - Prostorije unije ne mogu se koristiti za govorne kampanje ili događaje, osim ako nisu dostupne jednako svim kandidatima.
 - Računala i e-pošta unije ne mogu se koristiti za kampanje.
 - Sredstva unije, poslodavaca i lica koja nisu članovi unije ne mogu se koristiti za kupovinu "kampanjskih" sitnica i pribora kao što su dugmad, olovke itd.
 - Zabrana upotrebe sredstava poslodavaca uključuje pristup kancelarijama poslodavaca ili područjima koja takođe nisu otvorena za ostale kandidate.

Prema saveznom zakonu, odobreno je trošenje sredstava unije za obavještenja i činjenične izjave o pitanjima koja ne podržavaju nijednog kandidata, kao i drugi troškovi potrebni za provođenje izbora.

- Rukovodioci i zaposleni u uniji ne smiju tražiti potpise za peticije za imenovanje kandidata ili voditi kampanju za kandidate ili u spisku kandidata tokom vremena za koje su plaćeni od strane unije. Treba se uzeti godišnji odmor ili odsustvo kako bi se radilo na kampanji koja se odvija tokom uobičajeno zakazanog radnog vremena. Takvi izostanci od strane rukovodstva i zaposlenih u uniji moraju biti dokumentirani u pisanom obliku i moraju se prikazati Izbornom odboru ukoliko ih isti zatraži.
- Distribucija literature za kampanju vrši se o trošku kandidata i prema dogovoru između Lokala 1 i spoljne poštanske kompanije za upotrebu popisa članova. Popis članova i njihovi podaci će se u ove svrhe dostaviti samo spoljnoj poštanskoj kompaniji. Kandidati zainteresovani za dogovaranje o slanju materijala za kampanju članovima Lokala 1 trebali bi se u tu svrhu obratiti

Bobu Walshu iz Sommers & Fahrenbach na (773) 478-3033. Troškove povezane sa slanjem materijala kandidat mora platiti poštanskoj kompaniji prije slanja pošte.

- Lokal 1 će distribuirati jednu (1) obavijest u vezi sa kampanjom, od 500 ili manje riječi, svim članovima putem e-pošte od strane kandidata koji se uspješno kandidovao za spornu poziciju. Kandidatima se neće naplatiti nikakva naknada za učešće u distribuciji e-pošte. Distribucija e-pošte će se odvijati između 25. i 30. avgusta 2023, kako je utvrdio Izborni odbor. Komunikacija putem e-pošte je ograničena na one članove za koje unija ima važeću adresu e-pošte. Prijave u ovu svrhu moraju se uputiti Izbornom odboru na adresu 111 E. Wacker Dr., Suite 1700, Chicago, IL 60601, ili ručno predati najkasnije do 17:00 sati 24. avgusta 2023, ili poslati putem ovjerene pošte, sa zahtjevom za povraćaj, i datumom poštanskog pečata prije 24. avgusta 2023. ili na taj datum. Komunikacijski materijal koji je duži od 500 riječi ili sadrži druge medije (npr., fotografije) biće odbijen u cijelosti. Kandidati mogu pregledati, ali ne kopirati, listu e-pošte jednom u prisustvu sekretara/blagajnika ili njegovog/njenog ovlaštenika.
- Svaki kandidat može da pregleda listu članova Lokala 1 u roku od 30 dana prije datuma izbora u prisustvu sekretara/blagajnika ili njegovog/njenog ovlaštenika. Nijedan kandidat nema pravo da napravi ili primi kopiju liste članova, ali može praviti bilješke o listi.
- Ako se, nakon perioda za imenovanje kandidata, utvrdi da je uspješno imenovano više kandidata za bilo koju poziciju, izbore između kandidata koji ispunjavaju uslove će sprovesti Američka asocijacija arbitara putem izbornih listića poslatih poštom u septembru 2023. Glasački listići biće poslani 7. septembra i moraju biti vraćeni do 17:00 sati 28. septembra, 2023. Glasački listići će se prebrojati i izbori će se ovjeriti 29. septembra, 2023. Članovi će glasati za pojedinačne kandidate, ali pripadnost listi svakog kandidata može biti prikazana na glasačkom listiću. Izborni odbor dizajnira glasački listić uz konsultaciju sa AAA. Ako, nakon perioda za imenovanje kandidata, ne bude spornih pozicija, uspješno imenovani kandidat će biti izabran na osnovu proglašavanja na sastanku članova Lokala 1 16. septembra, 2023.
- Kandidati i članovi sa pitanjima o postupcima imenovanja kandidata treba da se obrate članu Izbornog odbora. Svako kršenje ovih pravila treba odmah da se prijavi Izbornom odboru tako da se po potrebi mogu preduzeti korektivne mjere.
- Gore navedena pravila nisu sveobuhvatna. Dodatna izborna pravila ili pojašnjenja mogu se naći u ustavu i statutu Lokala 1, a po potrebi ih može izdati Izborni odbor Lokala 1 tokom perioda nominacije i izbora.

Izborni odbor Lokala 1
Michele Cotrupe, Predsjedavajući
(312) 233-8719
Tim Cospers
Rafael Alvarado

111 E. Wacker Dr., Suite 1700
Chicago, IL 60601